

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. I. An in nostra voluntate reperiatur usus post electionem, qui sit actus distinctus ab illa?

[urn:nbn:de:hbz:466:1-77355](#)

DE VSV ET IMPERIO.

193

plura media, tunc talis consensus est actus realiter distinctus ab electione: cum autem fertur in unicum medium, tunc consensus & electio solum ratione differunt.

16. Prima pars probatur ex D. Thoma hinc quæst.
15. artic. 3. ad 3. ubi ait: *Electio addit supra consensum quandam relationem respectu ejus cui aliquid preelicetur, & idè post consensum adhuc remans electio. potest enim contingere quod per consilium inventiarum plura ducentia ad finem, quorum dum quolibet placet, in quolibet eorum consensit: sed ex multis que placent, praecipimus unum eligendo.* Quibus verbis in primis docet quod electio addit supra consensum aliquam relationem: deinde subdit, quod voluntas per consensum fertur ad plura media judicata utilia, & hoc antequam fiat electio. Unde ex hoc D. Thomæ testimonio, duo argumenta erui possunt. Primum est: Id quod addit aliquid supra aliud, realiter ab illo distinguitur: Sed electio addit aliquid supra consensum, quando voluntas per illum fertur ad plura media, nempe relationem ad illud medium quod ceteris anteponitur; est enim acceptio unius præ alio: Ergo cum voluntas per consensum fertur ad plura media, tunc talis consensus est actus realiter ab electione distinctus.
17. Secundum argumentum sic potest proponi. Prius realiter à posteriori distinguitur: Sed quando plura quæ inventa sunt placent, & unum solum ex illis eligitur, tunc consensus prior est electione; cum prius plura illa placeant, & deinde ex illis unum eligatur: Ergo tunc consensus realiter ab electione distinguitur.
18. Confirmatio: Cùm voluntas per consensum fertur ad plura media, tunc inter consensum & electionem intercedit aliquis actus intellectus, nempe judicium practicum, quod ex mediis illis judicat unum esse utilius & convenientius, subindeque alius præferendum, ut articulo præcedenti, notabiliter secundo expendimus: Ergo tunc consensus realiter ab electione distinguitur.
- Secunda etiam pars conclusionis ibidem à S. Doctore traditur, subdit enim post verba relata: *Sed si inventiarum unum solum quod placeat, non differunt re consensus & electio. sed ratione tantum, ut consensus dicatur, secundum quod placeat ad agendum; electio autem, secundum quod preferatur his qua non placent.* Unde tunc consensus non antecedit electionem, sed in ea intimè imbibitur, nec regulatur per aliud judicium, quam per sententiam quæ intellectus practice judicat, medium illud unicum necessariò esse eligendum, ut obtineatur finis. Non est etiam tunc electio completa, & propriè ac rigorosè sumpta, cum illa sit acceptio unius præ alio, sed incompleta & largè sumpta, quæ dicit solum voluntatem efficacem medij ordinati ad finem, ut disputatione præcedenti annotavimus.



DISPUTATIO XI.

De usu & imperio.

Ad questionem 16. & 17. Divi Thoma.

DIXIMVS de actibus pertinentibus ad ordinem intentionis: nunc breviter agendum
Tom. III.

A est de his qui ad ordinem executionis spectant, de quibus D. Thomas qu. 16. & 17.

ARTICULUS PRIMUS.

An in nostra voluntate reperiatur usus post electionem, qui sit actus distinctus ab illa?

NEGANT Vazquez hinc disput. 47. cap. 2. & Salas tract. 9. disp. 1. sect. 7. Affirmant verò ceteri Theologi, præsertim Discipuli Di- vi Thomæ. Unde sit

s. I.

Conclusio affirmativa statuitur, & duplice ratione suadetur.

DICO igitur: Præter electionem mediorum dari in voluntate nostra actum, quod ceteras potentias applicat ad operandum, qui usus actus appellatur.

Pro intelligentia & probatione hujus conclusionis, Scindendum est duplum dari usum, actum scilicet & passivum: ut actus est applicare aliquid ad aliud: usus vero passivus dicitur qui ex activo resultat; unde cum ex illo non solum motio & applicatio passiva, sed etiam operatio exequientis facultatis resultet, talis operatio usus passivus appellatur. Et de hoc usu loquitur D. Thomas hinc art. 1. dum ait: *Operatio ad quam applicamus rem aliquam, dicius usus eius; sicut equitare est usus equi, & percutere usus baculi.* Hoc presupposito:

Probatur primo conclusio ex D. Thoma hinc art. 1. & 4. ubi expressè ponit in voluntate nostra actum, qui dicit usus, ab electione distinctum & illâ posteriore.

Respondet Vazquez: D. Thomam non constituit in voluntate creata usum, qui sit actus à voluntate elicitus, sed solum qui sit actus à voluntate imperatus; scilicet actus potentiarum exequientium, qui sunt ex motione voluntatis, & idè appellatur usus voluntatis, non elicitive, sed imperativè.

Sed contra primò: S. Thomas supra in introductione qu. 8. sic ait: *Considerandum est de actibus qui sunt immediate ipsius voluntatis, velut à voluntate eliciti: & primò de actibus quibus moveri in finem, & deinde de actibus quibus moveri ad ea quæ sunt ad finem.* Sed inter actus quibus voluntas moveri ad ea quæ sunt ad finem, in introductione quæst. 13. numerat usum, ait enim illos esse tres, eligere, consentire, & uti: Ergo sentit usi esse actum à voluntate elicitem.

Secundò, Postquam idem S. Doctor egit de actibus voluntatis erga finem & media, à qu. 8. usque ad 16. inclusivè, ait in titulo qu. 17. *Deinde considerandum est de actibus imperatis à voluntate,* scilicet de imperio & aliis: Ergo sentit alios, de quibus antea tractavit (inter quos est usus) esse à voluntate elicitos.

Tertiò, D. Thomas hinc qu. 16. art. 1. finem corporis ita concludit: *Vnde manifestum est quod usi propriè est actus voluntatis:* Atqui actus qui ad voluntatem pertinent solum imperativè, non dicuntur propriè esse voluntatis, sed aliarum potentiarum ex voluntatis motione operantium, ut aperte docet de imperio qu. sequenti art. 8. Ergo idem quod prius.

B b

DISPUTATIO VNDÉCIMA

194

7. Quartò, Idem Doctor Angelicus h̄c art. 4. ad A 1. ait: *Ipsam executionem operis praeedit motio, quā voluntas moveret ad exequendum, sequitur autem electionem: & sic cū usū pertineat ad predictam motionem voluntatis, medium est inter electionem & executionem: Atqui ad executionem pertinere actus aliarum potentiarum: Ergo cū usū, juxta D. Thomam, ad motionem voluntatis pertineat, & mediet inter electionem & executionem, non consistit in actibus aliarum potentiarum, nec in electione, sed in aliquo ab illis distinto. Unde Granado h̄c controv. 2. disp. 5. num. 2. Sodales suos (Vazquem scilicet & Salas) notans, ait: *Omnino ergo contra B. Thomam & veritatem sentiunt nonnulli Doctri juniores, qui non solum istum actum (loquitur de usū activo) in voluntate non admittunt, sed contendunt non admitti à S. Doctore.**

8. Probatur secundò conclusio ex doctrina quam tradit S. Thomas h̄c art. 4. in corp. ubi docet voluntatem duplē habitudinem ad volitum dicere; unam secundum quod est in voluntate per quandam proportionem, & aliam ad volitum habendum realiter; & quia ad primam spectat electio, & ad secundam usus, infert usum esse post electionem. Ex quo sic possumus arguere: Actus voluntatem cum volito conjungens solum affectivè, distinctus est essentialiter ab actu conjungente voluntatem cum volito ut realiter habite: At electio solum primo modo conjungit voluntatem cum volito, nam ex vi illius volitum non habetur in re; usus autem realiter eam conjungit cum volito, cū ex vi illius potentiae execentes applicentur, & effectus statim sequatur: Ergo electio & usus realiter distinguntur.

9. Confirmatur & magis illustratur h̄c ratio. Illi actus realiter distinguntur, quorum unus pertinet ad ordinem intentionis, & alijs ad ordinem executionis: Sed electio & usus sic se habent; nam ordo intentionis incipit ab intentione finis, & completeretur in electione mediorum, ut docet S. Thomas loco citato; ordo vero executionis incipit ab usu, quō moventur & applicantur potentiae execentes ad executionem mandandum quod electum est, & completeretur in finis realiter habiti fructione: Ergo electio & usus sunt actus realiter inter se distincti.

10. Probatur tertio: Quando nova difficultas se offert, voluntas indiget novâ applicatione & conatu, subindeque novo actu ad illam vincendam: At in executione major difficultas se offert, quām in sola electione; quia eligere est actus merē internus, in quo voluntas solum certat secum, nec habet aliud impedimentum, aut difficultatem, quām eam quā se tenet ex parte sui; in exequendo autem non solum certat secum, sed etiam cum aliis potentias inferioribus, & impedimentis externis; quare videamus multos facilius judicare, consiliari, & elegere, seu determinare se interius, qui potest in executione deficiunt; sicut D. Petrus eligebat mori pro Christo, & judicabat se posse facere id quod proponebat, & tamen in executione omnino defecit, & h̄c columna firmissima, ad unius aura impulsū contremuit, ut loquitur ^{Traff.} Augustinus: Ergo prater actum electionis indiget voluntas novo actu ad exequendum, seu ad applicandas potentias executrices ad opus. Unde etiam Aureola martyrij non datur eligentibus per actum interiore effacit morti pro

^{123. in}
loan.

Christo, sed tantum mortem actu patientibus: quia scilicet in actuali tolerantia mortis, est specialis difficultas, cui speciale præmium correspontet.

Denique suadetur conclusio: Actus habentes idem materiale objectum, inspectum sub diversis rationibus, essentialiter distinguntur, ut patet in intentione, fructione, & simplici complacencia, quā licet versentur circa finem, quia tamen sub diversis rationibus illum attingunt, essentialiter distinguntur: Sed electio & usus, eti terminentur ad medium, tendunt tamen in illud sub diversis rationibus; nam electio respicit ipsam ut pertinet ad ordinem intentionis, & est ultimum in eo, & effectus finis; usus vero respicit illud, ut pertinet ad ordinem executionis, & in eo est primum, & causa efficiens finis habiti in re: Ergo distinguntur essentialiter.

Confirmatur primo: Electio eti veretur circa media, specificatur tamen à fine, quā est ratio formalis appetendi media in ordine intentionis. At usus non à fine, sed à mediis, ut sunt causa finis, specificationem desumit: Ergo gaudent specificativis essentialiter distinctis, & consequenter essentialiter distinguntur.

Confirmatur secundo: Intentio quā est actus efficax circa finem, distinguitur à fructione ejusdem finis, quia ista illum respicit praesentem, illa vero quasi futurum: Atqui etiam electio respicit media quasi futura, usus vero ut praesentia: Ergo sunt actus specie diversi.

S. 11.

Solvuntur objectiones.

OBIECTIES primò cum Vazque: D. Thomas h̄c art. 1. in corpore ait: *Vti primò & principaliter est voluntatis tanquam primi moventis, rationis autem tanquam dirigentis, & aliarum potentiarum tanquam exequentium: Sed actus ab ea potentia elicitor, qua executive ad illum comparatur: Ergo uti non est actus à voluntate, sed ab aliis potentias exequentibus elicitus.*

Confirmatur: Ex eo quod Divus Thomas docet uti esse actum rationis tanquam dirigentis, non sequitur esse actum ab intellectu elicatum: Ergo pariter ex eo quod affera esse actum voluntatis ut primi moventis, non sequitur cum ab ipsa eliciti.

Confirmatur amplius: Imperium est actus voluntatis tanquam moventis; siquidem est actus intellectus ut motu à voluntate, sicut docet D. Thomas qu. sequenti art. 1. & tamen non est à voluntate elicitus: Ergo ex eo quod usus sit actus voluntatis tanquam primi moventis, non licet colligere esse actum à voluntate elicitus.

Ad objectionem respondeo, distinguendo Minorem: Si executive activè comparetur ad illum actum, concedo Minorem: si passivè solum, nego Minorem & Consequentiam: potentiae enim motu à voluntate, non activè, sed passivè comparantur ad usum, quia mediò illò à voluntate applicantur ad opus. Vel aliter distinguo Minorem: Quando actus executio est, concedo Minorem: Quando est applicatio & motio ad executionem, nego Minorem, & Consequentiam; quia usus activus non est executio, sed applicatio & motio potentiarum ad executionem; subindeque non elicetur à potentia

DE VSV ET IMPERIO.

195

exequente , sed à movente , quæ voluntas est.

^{18.} Ad primam confirmationem , nego Consequentiam : cùm enim uti non sit dirigere , sed movere , est illius potentia ut elicientis , cuius est ut moventis.

Ad secundam , nego etiam Consequentiam , ob eandem rationem : imperium enim non est substantialiter motio , sed directio motiva , & ideo illius potentia est ut elicientis , cuius est ut dirigenitis , non vero cuius est ut moventis. De quo infra.

^{20.} Objicies secundò : Omnis actus à voluntate elicitus , est in ea tanquam subiecto : Sed usus non subiectatur in voluntate : Ergo non est actus ab ea elicitus. Probatur Minor : Actio & passio sunt in eodem subiecto : Sed usus passivus est in potentibus exequentibus : Ergo & usus activus.

^{21.} Respondeo concessâ Majori , negando Minor. Ad cuius probationem dicendum est , usum non esse actionem transiuntem formaliter , sed tantum virtualiter : actio autem virtualiter transiens non debet esse in eodem subiecto in quo est passio quam infert , ut patet in creatione , & alius Dei actionibus virtualiter transiuntibus.

^{22.} Objicies tertio : Usus est essentialiter electio : Ergo non distinguitur ab ea. Consequientia patet , Antecedens probatur primò . Omnis actus efficax qui versatur circa utile ut tale , est electio , sicut omnis actus efficax qui circa finem ut per media consequendum existit , est intentionis : At usus versatur efficaciter circa utile ut tale : Ergo est electio essentialiter.

Secundò probatur idem Antecedens : Desiderium efficax unius medij p̄t alio , est electio : Sed usus est desiderium efficax unius medij p̄t alio ; cùm non sit amor specialiter dictus , qui abstractus à presentia & absentia , nec delectatio que supponit bonum habitum : Ergo essentialiter est electio.

^{23.} Respondeo negando Antecedens. Ad cuius primam probationem respondetur , juxta dicta in ultima probatione conclusionis , distinguendo Majorem , camque concedendo de actu efficiaci circa utile , ut est effectus finis in ordine intentionis ; negando autem de actu qui attingit utile , prout est causa finis in ordine executionis ; & sub eadem distinctione Minoris , nego Consequentiam : quia usus non attingit utile , prout est effectus finis in ordine intentionis , sed prout ipsum causat in ordine executionis.

^{24.} Ad secundam probationem , sub eadem distinctione Majoris & Minoris , nego Consequentiam : dato enim quod usus sit desiderium efficax unius medij p̄t alio , non tamen est electio , sed actus ab illa distinctus ; ob rationem jam dictam , quia scilicet non erga medium , ut est effectus finis , sed circa finem , quem in ordine executionis causat , versatur. Dixi , dato quod sit desiderium : usus enim non est desiderium de bono futuro , sed quasi delectatio de bono utili presenti ; non speculativa , sed practica , quæ boni presentium non supponit , sed cauſat : sicut enim intuitio pure speculativa objectum præsens non causat , sed causatum supponit ; qua vero practica est , causat presentiam obiectus . Et , ut in tractatu de scientia Dei fuse declaravimus : ita de delectatione dicendum est. Usus tamen non est delectatio in rigore : quia in hac quiescit appetitus ; in usu autem non quiescit voluntas , sed ad finem tendit.

^{25.} Objicies quartò : In brutis , præter affectum , Tom. III.

A quo appetitus aliquid appetit , non requiritur alius actus applicans potentiam exequentem ad opus : Ergo neque in nobis , posita electione , alius actus voluntatis ad applicandum alias facultates requiretur.

Respondent aliqui , negando Antecedens : dicunt enim posse distingui duos actus in appetitu brutorum , unum quod appetunt bonum deletabile sibi conveniens & proportionatum ; alterum quod moventur quoad executionem ad illud : quia tamen totum hoc faciunt ex instinctu naturæ , propriè non utuntur , sicut nec elidunt.

Respondeo tamen , datò Antecedenti , negando Consequentiam , & paritatem : brutum enim dicitur imperio & instinctu naturæ ad exequendum ; homo autem arbitrio & ratione , & cum quadam proportione & commensuratione ad finem , & ad circumstantias h̄c & nunc occurrentes , juxta quas dispensat efficaciam , conatum , & applicationem suam , ut sit major aut minor , juxta exigentiam difficultatum & negotiorum : & ideo talis applicatio , seu usus , debet esse actus voluntatis active utentis & applicantis , non vero solius facultatis motæ & applicatae ; debet etiam esse distinctus ab electione , quia post electionem medijs adhuc est in arbitrio & potestate voluntatis ipsam executionem modificare , & temperate magis vel minus , juxta circumstantias occurrentes , & exigentiam finis.

B Objicies quintò : Electio est volitio efficax medianorum : Ergo per seipsum sufficiens est ad eorum executionem ; & sic inutilis est usus activus , quod potentia exequentes applicentur ad opus.

Sed nego Consequentiam : Electio enim non dicitur efficax volitio medianorum , eò quod ipsa sola absque alio actu intellectus & voluntatis sufficiat , ut media executioni mandentur , sed quia ad ipsam infallibiliter sequitur imperium in intellectu , & usus in voluntate , quod applicantur potentia ad exequendum quod electum est ; sicut ad intentionem efficacem sequitur infallibiliter electio medianorum.

C Objicies ultimò : Voluntas per solam electionem movet & applicat intellectum ad eliciendum actum imperij , qui usum activum præcedit : Ergo etiam supposita electione potest voluntas absque actu distincto uti potentias exequentibus , & ipsas ad operationem applicare.

D Respondent aliqui ex nostris Thomistis , negando Antecedens : existimat enim quod ut voluntas utatur intellectu ad imperandum , requiritur actus distinctus ab electione , non minus quam ut utatur potentias executivas.

E Sed hæc solutio & doctrina displicet : Primò quia D. Thomas hic qu. 17. art. 3. ad 1. sic ait : Post determinationem consilij , que est judicium rationis , voluntas eligit , & post electionem ratio imperat ei per quod agendum est quod eligitur , & tunc demum voluntas alicujus incipit uti , exequendo imperium rationis. Ubi S. Doctor enumerans suo ordine actus concurrentes ad opus , post electionem ponit imperium , non enumerando alium actum voluntatis , medium inter electionem & imperium , quod voluntas applicet intellectum ad imperandum : Ergo ut voluntas utatur intellectu ad imperandum , non requiritur actus distinctus ab electione. Idem sentire videtur Damascenus libro 2. fidei cap. 22.

B b ij

dicens: *Voluntas post electionem, impetum facit ad operationem, & postea uitur: nam ut interpretatur D. Thomas loco citato, in argumento sed contra, per impetum intelligit imperium.*

31. Secundò: *Electione & usus circa idem versantur: At licet in ordine reflexo possit dari electione de imperio, distincta ab electione de mediis, si expressè à voluntate appetatur in ordine ad finem, in ordine tamen directo, non datur electione de imperio, sed solum de mediis: Ergo licet in ordine reflexo, possit dari usus ab electione distinctus, applicans intellectum ut imperet, in ordine tamen directo talis actus non exigitur.*

32. Confirmatur: *Voluntas non solum uitur intellectu ad imperandum, sed etiam seipsa ad eligendum: At ut voluntas in ordine directo se ad electionem applicet, non requiritur actus ab intentione distinctus: Ergo ut applicet intellectum ad imperandum, non est necessarius actus ab electione diversus.*

33. Tertiò: *Si ad actum imperij prærequireretur usus aliquis activus ex parte voluntatis, ab electione distinctus, deberet ex parte intellectus præcedere aliud imperium, regulans hujusmodi usum: Sed hoc dici nequit, alioquin ad istud imperium requireretur aliis usus, & sic in infinitum: Ergo nec illud. Sequela probatur: Non alia ratione probatur necessitas imperij, distincti à judicio regulante electionem, ad applicandum potentias exequentes ad opus, nisi quia ad talem applicationem requiritur actus ab electione distinctus: Ergo si ut applicetur intellectus ad imperium, necessarius sit usus distinctus ab electione, requiretur etiam imperium à judicio regulante electionem distinctum.*

34. Hac ergo solutione prætermisso, melius refponderet ad argumentum, concessò Antecedente, negando Consequentiam & paritatem. Ratio discriminis est, Primò quia in exequendo major reperitur difficultas, quam in imperando: unde licet voluntas ad applicandas potentias exequentes ad opus, novo actu ab electione distincto indiget, non tamen ad applicandum intellectum ad actum imperij. Secundò, idèo in voluntate ponimus actum distinctum ab electione, ut exequatur, & applicet potentias inferiores ad suas operationes; quia in mediis, ut ad ordinem executionis spectantibus, diversa est ratio appetibilitatis, quam supra explicuimus; quæ ratio, cum de imperio non militet, non est cur actus ab electione distinctus, neceſſarius sit, ut voluntas applicet intellectum ad imperium, sed ipsa electione, non præcise quatenus est acceptio unius præ alio, sed quatenus ex vi prioris intentionis habet vim movendi intellectum, habebit rationem usus virtualis in ordine ad actum imperij. Idem cum proportione dicendum est de intentione, respectu consilij: nam illa est simul formaliter intentio, & virtualiter applicatio intellectus ad consultandum de mediis.

ARTICVLVS I.

Vtrum detur imperium in homine respectu suarum operationum?

S. I.

Premittitur quod apud omnes est certum, & conclusio affirmativa statuitur.

CERTVM est, & constat ipsâ experientiâ, 35. imperium inter ipsos homines exerceri, quando unus est superior & prelatus, alter inferior & subditus: unde solum difficultas est, an præter illud imperium, quod regale & politicum appellatur, & ponitur in Principe vel Praelato ad gubernandos inferiores & subditos, aliud sit constitendum in quolibet homine, quô intellectus ex impulsu voluntatis denuntiet alii potentiis quid faciendum sit, ipsaque ad operandum moveat. Negant Vazquez hic disp. 49. cap. 4. & Suarez lib. 1. de legibus cap. 4. num. ii. & disp. 16. metaph. sect. 6. Affirmant verò Thomistæ, & plures alij. Cum quibus

Dico, imperium non est solum constituendum in hominibus, respectu aliorum sibi inferiorum & subditorum, sed etiam in quolibet, respectu sui ipsius, suarumque operationum. Ita D. Thomas 2. 2. qu. 83. art. i. ubi ait: *Ad rationem pertinet non solum imperare inferioribus potentiis, & membris corporis, sed etiam hominibus & subiectis.* Quibus verbis duplex imperium in homine agnoscit, unum politicum, in ordine ad alios homines sibi inferiores & subditos; & aliud monasticum, in ordine ad potentias inferiores, & membra corporis. Unde hic qu. 17. art. 3. ad i. sic habet: *Tunc demum voluntas alicujus incipit uti, exequendo imperium rationis: quandoque quidem voluntas alterius, cum aliquis imperat alteri: quandoque autem voluntas ipsius imperans, cum aliquis imperat sibi ipse.* Et articulus sequentibus docet actus voluntatis, appetitus sensitivus, & membrorum exteriorum, subdi imperio rationis, & posse ab illa imperari. Idem colligitur ex D. Augustino libro 8. confess. cap. 9. ubi sic ait: *Imperat animus, & moverat manus; & tanta est facilitas, ut vix a seruo discernatur imperium, &c.*

Favet etiam Aristoteles 6. Ethic. cap. 10. lect. 9. apud D. Thomam, ubi synesis vel sagacitatem distinguit à prudentia, quia synesis vel sagacitas est judicativa, prudentia vero præceptiva. *Non est autem (inquit) idem sagacitas & prudentia: prudentia namque præceptiva est: finis enim ipsius est, quidnam sit agendum aut non agendum præcipere; sagacitas vero judicativa est solum.* Unde cum agat ibi de prudentia monastica, quæ ordinatur ad proprios actus, & quæ ut ait ibidem cap. 8. querit atque proficit proprium bonum, sentit finem hujus esse, quid sit agendum vel non agendum homini illam habentem præcipere, ac proinde imperium dari in homine respectu suarum operationum, & non solum respectu alterius hominis sibi inferioris & subditi.

Neque valet quod ait Vazquez, Aristotelem per præceptum non intelligere propriæ actionem imperandi, sed judicium quod prudentia præscribit id quod agendum est, in quo se habet instar magistrorum imperantis & præcipientis;

